

بحبك بكل اللغات



باقولك بَحْبِكَ بلا مقدمات
بعمرى اللي عدي وبقي ذكريات
وحاضر باعيشه ثواني وساعات
بَحْبِكَ.. واقولها بكل اللغات

بَحْبِكَ وَحُبِّكَ معشش ف قلبي
واشيلك ف عيني وطول مانت جنبى
أضْمك لحضنى ياأعلى ماغدى
وجوه ف وريدى.. تعالى استخبي

بَحْبِكَ ودايماً باحس بأمان
وقلبك جنينة بتطرح حنان
ويبدر محبة ويملا الكيان
ياأجمل هدية هداها الزمان

بحبك ولا أقدر أغيب لحظة عنك
ولو غبت.. أرجع بسرعة لحضنك
وارسني سفينتي على بر قلبك
وأنادي عليك.. واقولك بحبك